

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23) na prijedlog Ministarstva za boračka pitanja, Vlada Zeničko-dobojskog kantona, na 82. sjednici, održanoj dana 23.05.2025. godine, d o n o s i

ZAKLJUČAK

I.

Usvaja se Informacija o dodjeli sredstava novčane egzistencijalne naknade za demobilizirane branioce u 2024. godini, broj: 13/04-1-37-9121/25 od 13.05.2025.godine, Ministarstva za boračka pitanja, koja čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/25
Datum, 23.05.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,

1x a/a.

Bosna i Hercegovina
Federacija Bosne i Hercegovine
Zeničko-dobojski kanton
MINISTARSTVO ZA BORAČKA PITANJA

I N F O R M A C I J A
o dodjeli sredstava novčane egzistencijalne naknade
za demobilizirane branioce u 2024. godini

Zenica, maj 2025. godina

DIO PRVI- UVOD

Strateški cilj Ministarstva za boračka pitanja Zeničko-dobojskog kantona (u daljem tekstu: Ministarstvo) je poboljšanje statusa i ostvarivanja prava branilaca i članova njihovih porodica na području Zeničko-dobojskog kantona (u daljem tekstu: ZDK). Zakonom o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 54/19, 29/22, 81/23 i 60/24) u nadležnost kantonalnim ministarstvima data je obaveza donošenja propisa kojim će se regulisati ostvarivanje prava na novčanu egzistencijalnu naknadu demobiliziranih branilaca do navršених 57 godina života. Postupajući po navedenom Ministarstvo je među prvim u Federaciji Bosne i Hercegovine donijelo podzakonski akt Uredbu o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21, 18/22 i 3/24), kojom je omogućilo navedenoj kategoriji ostvarivanje predmetnog prava. Članom 4. stav (6) Zakona o izmjenama i dopunama zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 29/22) utvrđena je obaveza kantonima da svojim propisima urede uslove, način i postupak ostvarivanja prava na egzistencijalnu naknadu supruga umrlih demobiliziranih branilaca životne dobi do 57 godina. Poštujući navedenu zakonsku odredbu Vlada ZDK, na prijedlog Ministarstva, donijela je Uredbu o izmjenama i dopunama Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 18/22) kojom je supružnicima umrlih demobiliziranih branilaca, do navršene dobi od 57 godina života, omogućila ostvarivanje prava na novčanu egzistencijalnu naknadu uz ispunjenje propisanih uslova. Pored navedenog ovim izmjenama omogućeno je ostvarivanje prava na novčanu egzistencijalnu naknadu demobiliziranim braniocima sa 12 mjeseci provedenih u Oružanim snagama u periodu od 06.04.1992-23.12.1995. godine, te je povećan iznos osnovice sa 4 KM na 5 KM. Na 15.sjednici održanoj 02.02.2024.godine Vlada ZDK je donijela Uredbu o izmjenama i dopunama Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 3/24) kojom se umjesto dosadašnjih prihoda zajedničkog domaćinstva u obzir uzimaju isključivo prihodi podnosioca zahtjeva. Pored navedenog iznos osnovice je povećan sa 5 KM na 6 KM.

U cilju što efikasnije i transparentnije raspodjele sredstava namijenjenih za novčanu egzistencijalnu naknadu, Ministarstvo je, nakon pribavljanja saglasnosti od Federalnog ministarstva za pitanja boraca odbrambeno-oslobodilačkog rata, zaključilo ugovor o implementaciji modula za obračun i isplatu egzistencijalne naknade sa ovlaštenom softverskom kućom IN2 d.o.o. Sarajevo. Istim se daje mogućnost Ministarstvu da koristi informatičku aplikaciju ISVDV sistema, a u cilju obrade podataka u postupku obračuna i isplate egzistencijalne naknade za demobilizirane branioce i supružnike demobiliziranih branilaca sa područja ZDK. Na taj način Ministarstvo je obezbijedilo postojanje jedinstvene baze podataka svih korisnika novčane egzistencijalne naknade, kao i efikasnog praćenja utroška sredstava namijenjenih u tu svrhu.

U svom radu Ministarstvo se pridržava osnovnih principa i načela, pa polazeći od načela transparentnosti u radu, a u skladu sa Programom rada Vlade ZDK za 2025. godinu koji je usvojen Zaključkom Vlade ZDK broj: 02-30-1148/25 od 17.01.2025. godine, ovaj organ uprave dostavlja Vladi ZDK Informaciju o dodjeli sredstava novčane egzistencijalne naknade za demobilizirane branioce u 2024. godini (u daljem tekstu: Informacija), te prijedlog Zaključka o prihvatanju iste.

Ova Informacija daje prikaz o postupanju po predmetima u prvostepenom, žalbenom i revizionom postupku, kao i finansijski prikaz istih za period januar-decembar 2024. godine.

DIO DRUGI- PRAVNI OSNOV

POGLAVLJE I- ZAKONSKI I PODZAKONSKI PROPISI

Zakon o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 54/19, 29/22, 81/23 i 60/24, u daljem tekstu: Zakon) je predvidio set prava koja, pod uslovima propisanim istim, mogu ostvariti demobilizirani branioци i članovi njihovih porodica. Tako je članom 4. stav (1) tačka e) Zakona definisana mogućnost ostvarivanja prava na novčanu egzistencijalnu naknadu. Za demobilizirane branioce koji su navršili 57 godina života novčana sredstva za ostvarivanje i korištenje prava na novčanu egzistencijalnu naknadu osiguravaju se u Budžetu Federacije, a

za demobilizirane branioce mlađe od 57 godina života novčana sredstva osiguravaju se u Budžetu Kantona. Uzimajući u obzir navedeno, članom 20. Zakona propisana je obaveza kantona da svojim propisima urede uslove, način i postupak ostvarivanja prava na novčanu egzistencijalnu naknadu. Postupajući u skladu sa navedenim Vlada ZDK je na 8. vanrednoj sjednici, održanoj dana 31.03.2020. godine, usvojila Uredbu, koja je objavljena 06.04.2020. godine u Službenim novinama ZDK broj: 6.

Poštivajući odredbe člana 3. i 4. Zakona o zaštiti ličnih podataka („Službeni glasnik BiH“, broj: 49/06, 76/11 i 89/11) ukazala se potreba za usklađivanjem gore navedenog podzakonskog akta sa istima. Nadalje, vođenjem predmetnih upravnih postupaka tokom 2020. i 2021. godine uočeni su nedostaci u smislu nejasnog definisanja određenih pojmova koji su od značaja u postupku odlučivanja, gdje se ukazala potreba za izmjenama i dopunama Uredbe. Slijedom navedenog usvojena je Uredba o izmjenama i dopunama Uredbe o novčanoj egzistencijalnoj naknadi za demobilizirane branioce i objavljena u Službenim novinama ZDK broj: 15/21.

Donošenjem Zakona o izmjenama i dopunama zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 29/22) omogućeno je ostvarivanje prava na novčanu egzistencijalnu naknadu i supružnicima umrlih demobiliziranih branilaca. Članom 4. stav (6) istog Zakona, utvrđena je obaveza kantonima da svojim propisima urede uslove, način i postupak ostvarivanja navedenog prava. S tim u vezi, Uredbom o izmjenama i dopunama Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 18/22) kao korisnici prava na novčanu egzistencijalnu naknadu predviđeni su i supružnici umrlih demobiliziranih branilaca životne dobi do 57 godina. Pored toga članom 2. stav (3) navedene Uredbe izmijenjen je period sa 24 mjeseca na 12 mjeseci provedenih u Oružanim snagama u periodu od 06.04.1992-23.12.1995. godine potreban za ostvarivanje prava na novčanu egzistencijalnu naknadu, a članom 4. stav (1) povećan iznos osnovice sa 4 KM na 5 KM.

Uzimajući u obzir odredbe člana 19. Zakona kojim je propisano da se prilikom utvrđivanja prava na novčanu egzistencijalnu naknadu demobiliziranim braniocima i suprugama demobiliziranih branilaca posmatraju isključivo mjesečni prihodi ovih korisnika prava, kao i činjenicu da se najveći broj ožalbenih navoda upravo odnosio na različitice prihodovne uslove utvrđene Zakonom i Uredbom o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21 i 18/22), Ministarstvo je predložilo Vladi ZDK donošenje Uredbe o izmjenama i dopunama Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 3/24). Vlada ZDK je na 15 sjednici, održanoj 02.02.2024. godine donijela prednje navedeno uredbu u predloženom tekstu, kojom je izmijenjen član 2. stav (1) tačka e) Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21 i 18/22) na način da predmetno pravo može ostvariti demobilizirani branilac i supružnik umrlog demobiliziranog branioca koji ostvaruje mjesečne prihode koji ne prelaze iznos prosječne neto plaće isplaćene u Kantonu za 2022.godinu. U tom smislu izmijenjeni su članovi 8. i 15. Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21 i 18/22), te su brisane riječi zajedničko domaćinstvo, a umjesto uvjerenja o prihodima zaposlenih, kao dokaz prilaže se uvjerenje o prihodima podnosioca zahtjeva. Izmjenom člana 4. povećan je iznos osnovice za 5 KM na 6 KM.

POGLAVLJE II- POSTUPAK ZA OSTVARIVANJE PRAVA NA NOVČANU EGZISTENCIJALNU NAKNADU

Novčana egzistencijalna naknada je mjesečna novčana naknada koju Ministarstvo, na osnovu usvojenog programa utroška sredstava Budžeta Kantona planiranih na odjeljku Ministarstva za tekuću budžetsku godinu, odobrava i isplaćuje demobiliziranim braniocima i supružnicima umrlih demobiliziranih branioca koji ispunjavaju uslove iz Uredbe, a sve u svrhu poboljšanja njihovog materijalnog položaja, odnosno socijalno-ekonomske situacije u kojoj se nalaze.

Članom 2. Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21, 18/22 i 3/24, u daljem tekstu: Uredba) propisani su uslovi

koje demobilizirani branilac i supružnik umrlog demobiliziranog branioca treba ispuniti kako bi ostvario pravo na dodjelu novčane egzistencijalne naknade, kako slijedi:

- a) nema navršenu dob od 57 godina života;
- b) ima prebivalište na području Kantona u trajanju od najmanje dvije godine u kontinuitetu, osim supružnika umrlog demobiliziranog branioca povratnika u Republiku Srpsku;
- c) je u periodu od 06.04.1992. do 23.12.1995. godine u sastavu Oružanih snaga proveo najmanje 12 mjeseci;
- d) je kao nezaposleno lice na evidenciji nadležne službe za zapošljavanje u periodu od najmanje 12 mjeseci prije podnošenja zahtjeva za ostvarivanje prava; ili ima utvrđenu nesposobnost za rad i privređivanje; ili je korisnik penzije u iznosu od 50% minimalne penzije isplaćene u Federaciji Bosne i Hercegovine za decembar 2019. godine (185,88 KM) ili nižem;
- e) ostvaruje mjesečne prihode koji ne prelaze iznos prosječne neto plaće isplaćene u Kantonu za 2022.godinu.

Ministarstvo je vodilo računa o demobiliziranim braniocima koji imaju priznat status ratnog vojnog invalida, koji su pristupili Oružanim snagama, a koji imaju period učešća u Oružanim snagama kraći od 24 mjeseca, na način da će njihovi zahtjevi biti uzeti u razmatranje kao zahtjevi demobiliziranih branioca koji imaju period učešća u Oružanim snagama od 24 mjeseca.

Način podnošenja zahtjeva i potrebna dokumentacija koja se prilaže uz isti regulisani su članovima od 6-8. Uredbe. Gradska/općinska služba donosi rješenje kojim odobrava ili odbija zahtjev za priznavanje prava na novčanu egzistencijalnu naknadu, koje dostavlja podnosiocu zahtjeva. Po pravosnažnosti rješenja prvostepeni organ isto, u tri primjerka i sa kompletnim spisom predmeta, dostavlja Ministarstvu radi provođenja postupka revizije. Članom 11. Uredbe, u postupku revizije, Ministarstvo može dati saglasnost na prvostepeno rješenje ukoliko ocjeni da je isto zakonito i pravilno doneseno, ili može izmijeniti, poništiti i vratiti na ponovno rješavanje prvostepenom organu ili sam drugačije riješiti upravnu stvar, ukoliko ocijeni da rješenje sadrži formalno-pravne nedostatke. U provedenim postupcima revizije uočeno je da je rad prvostepenih organa na zavidnom nivou, što pokazuje podatak da je Ministarstvo u ukupnom broju zaprimljenih rješenja procentualno na ista dalo 84,27 % saglasnosti, 5,39 % istih poništilo i vratilo na ponovni postupak i 9,62 % izmijenilo svojim rješenjem. Ukupan broj zaprimljenih žalbi na prvostepena rješenja u odnosu na ukupan broj zahtjeva bilo je 14,31 %.

Članom 12. Uredbe regulisano je da po žalbama, izjavljenim na prvostepena rješenja, rješava Ministarstvo kao drugostepeni postupajući organ. Ministarstvo je od ukupnog broja zaprimljenih žalbi (61 žalba) njih 50,81 % rješenjem odbilo i 45,9 % donijelo rješenje o ponovnom postupku.

DIO TREĆI- BROJČANI PRIKAZ REVIZIONIH RJEŠENJA, ŽALBI I FINANSIJSKIH SREDSTAVA

POGLAVLJE I- BROJČANI PRIKAZ REVIZIONIH RJEŠENJA

U periodu januar-decembar 2024. godine Ministarstvo je zaprimilo ukupno 426 predmeta sa rješenjem kojim je priznato pravo na novčanu egzistencijalnu naknadu i propisanom dokumentacijom, od strane nadležnih službi za boračko-invalidsku zaštitu svih dvanaest općina/ gradova Kantona.

U Tabeli 1. dat je prikaz rezultata izvršene revizije po prvostepenim predmetima. Ista se vršila u skladu sa članom 11. Uredbe na način da se na prvostepena rješenja daje saglasnost, ili se ista mogu izmijeniti, poništavati i vratiti na ponovno rješavanje ili Ministarstvo samo rješava upravnu stvar.

TABELA 1.

Grad/općina	U POSTUPKU	DATA SAGLASNOST	UKUPAN RATNI STAŽ	IZMJENJENO RJEŠENJE	PONIŠTENJE I VRAĆENO NA P.P.	PONIŠTENJE I RJEŠENA UPRAVNA STVAR	NENADLEŽNOST	UKUPNO PREDMETA PO GRADU/OPĆINI
Breza		4						4
Doboj Jug		7		1				8
Kakanj		18		1				19
Maglaj		20		5	4		1	30
Olovo		10		4	1			15
Tešanj		57		1	3			61
Usora		11					1	12
Vareš		15		3				18
Visoko		57		4				61
Zavidovići		56		7	4		1	68
Zenica		70		15	11			96
Žepče		34						34
UKUPNO VRSTA RJEŠAVANJA	0	359	0	41	23	0	3	426

Tabela 1. daje prikaz ukupnog broja rješenja o priznavanju prava na novčanu egzistencijalnu naknadu po gradovima/općinama u ZDK koja su bila predmet revizionog postupka. Najveći broj rješenja je donesen u gradu Zenica, gradu Visoko i Zavidovići, te općini Tešanj i dalje kako slijedi.

POGLAVLJE II- BROJČANI PRIKAZ ZAPRIMLJENIH ŽALBI

Ministarstvo je zaprimilo i obradilo ukupno 61 žalbu iz devet gradova/općina Kantona. Općine Maglaj, Usora i Vareš nisu prosljedile nijednu žalbu Ministarstvu u 2024. godini, dok je najveći broj zaprimljen iz općine Tešanj. Sve žalbe su riješene u zakonom propisanom roku, a u Tabeli 2. dat je ukupan prikaz zaprimljenih žalbi i postupanja po istim.

TABELA 2.

Grad/općina	U POSTUPKU	ODBIJENA ŽALBA	ODBAČENA ŽALBA	PONIŠTENJE I VRAĆENO NA P.P.	PONIŠTENJE I RJEŠENA UPRAVNA	USTUPLJEN O DRUGOM ORGANU	UKUPNO PREDMETA PO GRADU/OPĆI
Breza		1					1
Doboj Jug		1					1
Kakanj		2		3			5
Maglaj							0
Olovo		1					1
Tešanj		7		10			17
Usora							0
Vareš							0
Visoko		7	1	3			11
Zavidovići		8		7			15
Zenica		3		4			7
Žepče		1		1		1	3
UKUPNO VRSTA RJEŠAVANJA	0	31	1	28	0	1	61

POGLAVLJE III- FINANSIJKI PRIKAZ UTROŠKA SREDSTAVA

Po okončanju revizionog postupka nadležni prvostepeni organi pristupaju kreiranju evidencionih kartona korisnika u ISVDV sistemu, što znači da će takvi korisnici biti na slijedećoj isplati novčane egzistencijalne naknade. Ministarstvo nadležnim Službama za boračko-invalidsku zaštitu dostavlja obavijest o načinu obračuna i isplate sredstava novčane egzistencijalne naknade za svaki mjesec, a u skladu sa sredstvima Budžeta Kantona osiguranim za tu svrhu na budžetskoj stavci Ministarstva. Navedena obavijest sadrži podatke o visini koeficijenta i datumu isplate mjesečnog obračuna. Isplata novčane egzistencijalne naknade se vrši direktno na transakcijske račune poslovnih banaka u kojima korisnici prava imaju otvorene tekuće račune.

Treba imati u vidu da vremenski period vođenja revizionog postupka, te vrijeme koje je potrebno prvostepenim organima za kreiranje evidencionih kartona korisnika, utiču na razliku u broju aktivnih korisnika (korisnici koji se nalaze na obračunskim listama) i pasivnih korisnika (korisnika kojima je priznato pravo na novčanu egzistencijalnu naknadu, ali se nisu uspjeli uvrstiti u obračunske liste za taj mjesec).

Ukupan broj aktivnih korisnika novčane egzistencijalne naknade u decembru 2024. godine iznosio je 2.821.

Tabela 3. prikazuje broj korisnika egzistencijalne naknade po mjesecima u 2024. godini i u gradovima /općinama u ZDK.

TABELA 3.

Pregled broja obračunatih korisnika KEN po mjesecima u ZDK													
RB	OPĆINA	BROJ KORISNIKA KEN PO MJESECIMA U 2024.GODINI											
		JANUAR	FEBRUAR	MART	APRIL	MAJ	JUNI	JULI	AUGUST	SEPTEMBAR	OKTOBAR	NOVEMBAR	DECEMBAR
1	BREZA	78	77	79	79	78	77	74	73	71	71	69	68
2	KAKANJ	204	201	203	202	201	203	191	181	181	185	183	175
3	MAGLAJ	261	258	255	254	252	260	254	248	249	247	242	241
4	OLOVO	106	102	103	104	104	104	103	103	100	102	100	98
5	TEŠANJ	451	450	455	448	443	437	448	445	444	435	444	435
6	USORA	65	65	68	67	65	64	64	64	62	60	59	58
7	VAREŠ	49	50	52	55	53	52	52	52	50	50	51	51
8	VISOKO	381	382	384	380	374	379	376	381	379	376	368	362
9	ZAVIDOVIĆI	493	488	479	477	477	479	489	486	475	471	468	466
10	ZENICA	640	611	585	588	582	591	592	602	600	598	597	589
11	ŽEPČE	256	249	249	254	253	255	252	248	245	239	236	236
12	DOBOJ-JUG	46	42	48	47	46	45	45	44	44	44	43	42
UKUPNO		3.030	2.975	2.960	2.955	2.928	2.946	2.940	2.927	2.900	2.878	2.860	2.821

U Budžetu ZDK za 2024.godinu („Službene novine Zeničko-dobojskog kantona“, broj: 21/23) na razdjelu 24, budžetska organizacija 01, potrošačka jedinica 0001, ekonomski kod 614 200, subanalitika OAD 224- „Novčana egzistencijalna naknada“, obezbijedena su budžetska sredstva u iznosu od 9.780.480,00 KM. Odlukom o preraspodjeli rashoda Ministarstva finansija ZDK broj: 07-03-01/11-12805-2-1/24 od 18.10.2024. godine budžetska stavka - „Novčana egzistencijalna naknada“ je umanjena za 100.000,00 KM. U konačnici Odlukama o preraspodjeli rashoda Ministarstva finansija ZDK u 2024. godinu budžetska stavka - „Novčana egzistencijalna naknada“ je iznosila 9.680.480,00 KM.

Tabela 4. daje finansijski prikaz utrošenih sredstava u svrhu isplate novčane egzistencijalne naknade po mjesecima u 2024. godini i u gradovima/općinama u ZDK.

TABELA 4.


RB	OPĆINA	IZNOS TREBOVANIH SREDSTAVA ZA NOVČANU EGZISTENCIJALNU NAKNADU PO MJESECIMA U 2024. GODINI												JNP-2024	UKUPNO U 2024.
		JANUAR	FEBRUAR	MART	APRIL	MAJ	JUNI	JULI	AUGUST	SEPTEMBAR	OKTOBAR	NOVEMBAR	DECEMBAR		
1	BREZA	16.818,00	16.554,00	17.478,00	16.962,00	16.698,00	16.548,00	15.888,00	15.726,00	15.222,00	15.066,00	14.538,00	14.514,00	48.800,00	240.812,00
2	KAKANJ	40.244,00	39.234,00	40.986,00	39.270,00	39.306,00	40.080,00	37.284,00	35.334,00	35.586,00	36.408,00	35.874,00	34.110,00	101.200,00	554.916,00
3	MAGLAJ	61.683,00	62.042,00	60.590,00	60.870,00	59.106,00	65.190,00	60.420,00	58.056,00	59.274,00	57.558,00	56.286,00	57.072,00	139.000,00	857.147,00
4	OLOVO	25.758,00	24.678,00	25.212,00	25.212,00	25.242,00	25.356,00	24.810,00	25.356,00	24.012,00	24.906,00	23.844,00	23.424,00	56.400,00	354.210,00
5	TEŠANJ	106.344,00	112.125,00	111.074,00	110.292,00	104.670,00	102.060,00	121.482,00	109.166,00	105.192,00	100.932,00	109.386,00	101.352,00	202.400,00	1.496.475,00
6	USORA	15.206,00	15.342,00	16.092,00	15.534,00	14.856,00	14.682,00	14.922,00	14.670,00	14.130,00	13.638,00	13.050,00	12.780,00	41.600,00	216.502,00
7	VAREŠ	11.352,00	11.532,00	11.874,00	12.606,00	11.826,00	11.448,00	11.346,00	11.382,00	10.920,00	10.908,00	11.208,00	11.136,00	39.800,00	177.338,00
8	VISOKO	84.286,00	85.921,00	84.564,00	82.980,00	81.582,00	83.766,00	81.720,00	83.052,00	82.092,00	81.726,00	79.896,00	79.404,00	163.800,00	1.154.789,00
9	ZAVIDOVIĆI	113.620,00	113.042,00	110.150,00	109.320,00	115.776,00	118.374,00	118.584,00	110.766,00	107.688,00	106.494,00	106.152,00	106.506,00	221.800,00	1.558.272,00
10	ZENICA	126.588,00	118.184,00	113.028,00	114.582,00	111.972,00	117.492,00	114.198,00	118.576,00	113.790,00	112.878,00	114.306,00	111.534,00	366.600,00	1.753.728,00
11	ŽEPČE	57.630,00	56.550,00	57.018,00	58.008,00	58.632,00	57.204,00	55.794,00	55.122,00	53.934,00	52.608,00	52.518,00	52.002,00	215.000,00	882.020,00
12	DOBOJ-JUG	10.944,00	9.972,00	11.490,00	11.016,00	10.932,00	10.536,00	10.536,00	10.278,00	10.278,00	10.278,00	10.014,00	9.774,00	35.600,00	161.648,00
	UKUPNO	670.473,00	665.176,00	659.556,00	656.652,00	650.598,00	662.736,00	666.984,00	647.484,00	632.118,00	623.400,00	627.072,00	613.608,00	1.632.000,00	9.407.857,00

Članom 4. stav (13) Programa utroška sredstava Budžeta Zeničko-dobojskog kantona za 2024. godinu planiranih na razdjelu Ministarstva za boračka pitanja namijenjenih za potrebe branilaca i članova njihovih porodica broj: 02-11-1895/24 od 29.01.2024. godine i broj: 02-11-11266/24 od 14.06.2024. godine, predviđena je isplata jednokratne novčane pomoći korisnicima novčane egzistencijalne naknade i ratnim vojnim invalidima sa područja Zeničko-dobojskog kantona. Odlukom Vlade ZDK broj: 02-11-16098/24 od 20.09.2024. godine o isplati jednokratne novčane pomoći dana 16.10.2024. godine isplaćena su novčana sredstva u iznosu od 1.632.000,00 KM za ukupno 8.160 korisnika.

Iz gore navedenih podataka utvrđuje se da je iznos utrošenih sredstava u odnosu na raspoloživa sredstva 97,18% što govori o pravilnoj procjeni broja korisnika, te efikasnoj obradi zahtjeva istih.

Dijagram 1. prikazuje iznos utrošenih sredstava za novčanu egzistencijalnu naknadu u 2024. godini.

DIJAGRAM 1.



DIO ČETVRTI- ZAKLJUČAK

Navedeni brojevi prikazuju da je veliki broj demobiliziranih branilaca i supružnika umrlih demobiliziranih branilaca u lošoj socijalno-ekonomskoj situaciji, te da Vlada ZDK u saradnji sa Ministarstvom vodi računa o ugroženim kategorijama branilačke populacije, te nastoji poboljšati njihov materijalan položaj. Kroz vođenje postupaka revizije za utvrđivanje prava na novčanu egzistencijalnu naknadu, zaključuje se da veliki broj demobiliziranih branilaca živi u domaćinstvima bez ikakvih primanja, odnosno da u većini slučajeva ni supružnici istih nisu u radnom odnosu. Pored toga, demobilizirani branici su roditelji dvoje ili više djece koja se školuju i kojima isti moraju obezbijediti osnovne uslove za život. Primjetna je i činjenica da je većina demobiliziranih branilaca i supružnika umrlih demobiliziranih branilaca narušenog zdravstvenog stanja, što je otežavajuća okolnost u njihovom zaposlenju. S tim u vezi zaključuje se da su to porodice koje žive na rubu egzistencije i kojima je ovaj vid materijalne pomoći jedini prihod u domaćinstvu.

Imajući u vidu uticaj inflacije u našem društvu, te rast potrošačke korpe, smatranja smo da se ovaj vid podrške demobiliziranim braniocima od strane Vlade ZDK treba nastaviti i poboljšavati u budućnosti.

Broj: 13/04-1-37-9121/25
Zenica, 13.05.2025.godine

MINISTAR

Adnan Sirovica